



Xalq so'zi

O'zbekiston —
kelajagi
buyuk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqqan boshlagan • WWW.XS.UZ • E-mail: Info@xs.uz • 2023-yil 6-sentabr, № 186 (8529)

Chorshanba Saytimizga o'tish uchun QR-kodni telefoningiz orqali skaner qiling.



O'ZBEKISTON PREZIDENTI POKISTON DELEGATSIYASINI QABUL QILDI

O'zbekiston Respublikasi Prezidenti Shavkat Mirziyoyev 5-sentabr kuni Pokiston Islom Respublikasi Qurolli kuchlari Quruqlik qo'shinlari qo'mondoni general Asim Munir boshchiligidagi delegatsiyani qabul qildi.



O'zbekiston bilan Pokiston o'rtasidagi ko'p qirrali hamkorlikni yanada rivojlantirish va strategik sheriklik munosabatlarini mustahkamlash masalalari muhokama qilindi.

Suhbatda ilgari qabul qilingan "Yo'l xaritasi"ga muvofiq o'zaro savdoning yuqori o'sish sur'atini davom ettirish, infratuzilmaviy loyihalarni tezlashtirish hamda ikki mamlakat yetakchi korxonalarining kooperatsiya aloqalarini kuchaytirish masalalariga alohida e'tibor qaratildi.

tondagi vaziyatning rivojlanishi nuqtai nazaridan fikr almashildi. Termiz — Mozori-Sharif — Peshovar temir yo'lini barpo etish loyihasini ilgari surish maqsadida amaliy sa'y-harakatlarni muvofiqlashtirish muhimligi ta'kidlandi.

O'z.A.

O'zbekiston Respublikasi Prezidenti Matbuot xizmati surati.

SHAVKAT MIRZIYOYEV: MUSTAQIL TARIXIMIZDA BIRINCHI MARTA BUNDAY SHAHAR QURYAPMIZ

Prezident Shavkat Mirziyoyev 5-sentabr kuni Yangi Toshkent shahrining Bosh reja loyihasi bilan tanishdi.

Bugungi kunda Toshkent shahrida yashayotgan va ishlayotgan aholi soni qariyb 5 million nafarni tashkil qilmoqda. Ko'plab uy-joylar, muassasalar barpo etilib, infratuzilma tarmoqlariga yuklama ormoqda. Shunga qaramay, yana yiliga 20 ming xonadonli uylar, 40 dan ortiq maktab, bog'cha, poliklinika qurishga talab bor. Urbanizatsiya sur'atidan kelib chiqqan, yaqin yillarda aholi soni yanada ko'payadi.

Davlatimiz rahbari bu masalani alohida e'tiborga olib, Toshkentni rivojlantirish rejalarini 15 — 20 yil oldindan belgilash vazifasini qo'ygan edi. Shundan kelib chiqib, shahardan tashqarida, zamonaviy arxitektura yutuqlari asosida yangi markaz qurishga kirishildi.

Joriy yil 20 iyulda Yangi Toshkent shahrini barpo etish chora-tadbirlari bo'yicha Prezident qarori qabul qilindi. Unga muvofiq, Bosh vazir rahbarligida Yangi Toshkentni barpo etish ishlari muvofiqlashtiruvchi kengash tuzildi hamda direksiya tashkil etildi. Qurilish va uy-joy kommunal xo'jaligi vazirligida bu loyihaga mas'ul o'rinbosar lavozimi joriy qilindi.

Ushbu ulkan loyiha uchun Toshkent viloyatining Yuqori Chirchiq va O'rta Chirchiq tumanlaridan 19 ming 720 gektar yer tanlab olingan. Birinchi bosqichda 2,5 ming gektarda 100 ming aholi uchun uy-joylar va infratuzilma ob'ektlari qurish rejalashtirilgan. Direksiya tomonidan yetakchi xorijiy kompaniyalar jalb etilib, rivojlangan mamlakatlarda

muvaffaqiyatli sinovdan o'tgan amaliyotlar asosida Bosh reja, tarmoq rejalarini va manzilli dasturlar ishlab chiqilmoqda. "ToshkentboshplanLITI" davlat unitar korxonasida Bosh reja loyihasi taqdimoti o'tkazildi. Qurilish va uy-joy kommunal xo'jaligi vazirining o'rinbosari — "Yangi Toshkent shahrini barpo etish direksiya" direktori hududni infratuzilma bilan ta'minlash, yo'l va ko'priklar qurish masalalari, muhandislik, shaharsozlik va arxitektura yechimlari bo'yicha axborot berdi.

Loyihada yashillik, qulaylik va tejamkorlikka alohida e'tibor qaratilgan, faol iqtisodiyot va ijtimoiy hayot uyg'unlashtirilgan, transport tarmoqlari poytaxtimiz bilan oqilona bog'langan.

Umuman aytganda, Yangi Toshkent "aqli" va "bog' shahar" bo'lishi nazarda tutilmoqda. Ma'muriy markazda davlat idoralari, Yangi O'zbekiston universiteti, kutubxona, tarix muzeyi, madaniyat saroylari joylashadi. Shuningdek, shaharda ishbiaronlik va innovatsiya tumanlari, ta'lim, tibbiyot va turizm klasterlari bo'ladi. 420 gektar maydonda markaziy bog', mavzalar orasida sun'iy kanal va ko'llar, Chirchiq va Qorasuv daryolari bo'yida sayilgohlar tashkil qilinib, odamlarning dam olishi uchun so'lim sharoitlar yaratiladi. "Toshkentning yashil belbog'i" loyihasi shu joydan boshlanadi.

O'z.A.

Muloqot

ALOQALAR DO'STLIK VA SHERIKLIK RUHIDA IZCHIL RIVOJLANMOQDA

Shu kunlarda Oliy Majlis Senati Raisi Tanzila Norboyeva boshchiligidagi O'zbekiston delegatsiyasi rasmiy tashrif bilan Belarus Respublikasida bo'lib turibdi.

Kecha Senat Raisi boshchiligidagi mamlakatimiz delegatsiyasi Belarus Respublikasi Prezidenti Aleksandr Lukashenko tomonidan qabul qilindi. Ta'kidlash joizki, Belarus O'zbekistonning MDHdagi an'anaviy hamkorlaridan biridir. Mamlakatlar o'rtasidagi aloqalar do'stlik va sheriklik ruhida izchil rivojlanib bormoqda.

Uchrashuv davomida ikki tomonlama hamkorlikni rivojlantirish, parlamentlararo munosabatlarni yanada mustahkamlashning dolzarb masalalari muhokama etildi.

Suhbatda parlamentlararo muloqot samarali rivojlantirishga muhim hissa qo'shishi, mamlakatlar o'rtasidagi savdo-iqtisodiy aloqalarni mustahkamlash bo'yicha yangi taklif hamda tashabbuslarni muhokama qilish va ishlab chiqish uchun samarali maydonga aylanishi ta'kidlandi.

O'zbekiston va Belarus

xalqaro hamda mintaqaviy tashkilotlar — BMT, MDH, SHHT doirasida konstruktiv hamkorlik qilmoqda.

Muloqot chog'ida O'zbekiston — Belarus biznes doiralari va tadbirkor ayollar birinchi biznes forumiga alohida e'tibor qaratildi. Ushbu tadbir ayollar tadbirkorligini rivojlantirishga muhim hissa qo'shishi, mamlakatlar o'rtasidagi savdo-iqtisodiy aloqalarni mustahkamlash bo'yicha yangi taklif hamda tashabbuslarni muhokama qilish va ishlab chiqish uchun samarali maydonga aylanishi ta'kidlandi.



Eksklyuziv suhbat

TARIXIY HAMJIHATLIK VA QARDOSHLIK RISHTALARI BARDAVOM

Mustaqil taraqqiyot yillari davomida O'zbekiston bilan Qozog'iston o'rtasidagi munosabatlar o'zaro hurmat, ishonch va manfaatli sheriklik ruhida, ikki mamlakat xalqlarining ko'p asrlik tarixiy, ma'naviy va madaniy umumiyligidan kelib chiqqan holda do'stlik, yaxshi qo'shnichilik va o'zaro hurmatning mustahkam tamoyillari asosida barpo etilmoqda.

Hamkorlik uchun mustahkam huquqiy asoslar yaratilgan. Jumladan, Ittifoqchilik munosabatlari to'g'risidagi shartnoma hamda davlatlar o'rtasidagi o'zaro hamkorlikning asosiy tamoyillarini belgilab beruvchi boshqa qator hujjatlar asosida mustahkamlanmoqda.

Mamlakatimiz mustaqilligining 32 yilligi keng nishonlanayotgan shukuhli kunlarda Qozog'iston Respublikasining O'zbekiston Respublikasidagi Favqulodda va muxtor elchisi Beybut ATAMQULOV muxbirimiz savollariga javob berdi.



Prezident tashrifidan keyingi o'ylar...

SAMARQAND: DAVRGA HAMNAFAS, KELAJAKKA ISHONCH



Davlatimiz rahbari dunyo nigohida mamlakatimizning o'ziga xos "tashrif qog'ozi" bo'lgan Samarqandga o'ziga xos mehri bilan qaraydi. Shuning uchun ham har gal viloyatga borganida, yutuqlardan quvonadi, kuyunchaklik bilan kamchiliklarni bartaraf etish yo'l-yo'riqlarini ko'rsatadi. O'rta bo'g'in rahbarlaridan natijadorlikni talab qiladi.

3-sahifaga qarang.

Oliy Majlis Qonunchilik palatasida

INSON QADRINI ULUG'LASH, MANFAATLARINI HUQUQIY KAFOLATLASH

QABUL QILINAYOTGAN QONUN LOYIHALARIDA AKS ETMOQDA

Oliy Majlis Qonunchilik palatasining navbatdagi majlisi bo'lib o'tdi. Unda dastlab Prezidentimizning mamlakatimiz mustaqilligining o'ttiz ikki yilligiga bag'ishlangan tantanali marosimdagi nutqida ilgari surilgan tashabbuslar, xalqimiz farovonligini yuksaltirish yo'lida so'nggi yillarda amalga oshirilayotgan keng ko'lami islohotlar xususida so'z yuritildi. Parlament ishini ushbu dasturlamal nutqdan kelib chiqib yanada samarali tashkil qilish, bu bo'yicha belgilangan chora-tadbirlar asosida izchil va qizg'in faoliyat yuritish zarurligiga urg'u berildi.

Shuningdek, majlisda deputatlar jamiyat hayotini yanada isloh qilish, oilaviy tadbirkorlikni rivojlantirish, aholi bandlegini kafolatlashga oid bir qator qonun loyihalarini mufassal ko'rib chiqildi.

Xususiy lashtirishda yangi uslublar joriy etilmoqda

"Davlat mulkini xususiy lashtirish to'g'risida"gi qonun loyihasi muhokamasida ta'kidlanganidek, amaldagi "Davlat tasarrufidan chiqarish va xususiy lashtirish to'g'risida"gi Qonunda davlat mulki ob'ektlarini xususiy lashtirish jarayonlarini ochiq va oshkorlik, qonuniylik prinsiplari asosida amalga oshirish, xaridorlarning ommaviy savdolarida ishtirok etishlari uchun teng sharoitlar yaratish borasida amalga oshirilayotgan islohotlarning huquqiy asoslari o'z aksini topmagan.

Mazkur hujjatda xususiy lashtirishning

faqat 2 ta (kimoshdi, tanlov) uslub nazarda tutilgani, davlat aktivlarini elektronlayn auksion savdolarida sotish haqidagi normalar mavjud emasligi hamda xususiy lashtirish sohasida davlat organlari vakolatlarining chegaralari aniq belgilanmagan qonunning islohotlar talablariga javob bermasligini ko'rsatdi.

Taklif etilayotgan qonun loyihasi bilan xususiy lashtirishning barcha bosqichi, prinsiplari to'g'ridan-to'g'ri amal qiluvchi qonun darajasida batafsil mustahkamlanmoqda. Xususiy lashtirishning qonuniylik, ochiqlik va shaffoflik, hisobdorlik, teng raqobat muhitini ta'minlash hamda korrupsiyaga yo'l qo'ymaslik kabi prinsiplari belgilanyapti.



SAMARQAND: DAVRGA HAMNAFAS, KELAJAKKA ISHONCH



O'zgarishlar Prezidentni ham, xalqni ham qoniqtirishi kerak

Davlatimiz rahbari joylarda davr bilan hamqadam bo'lmayotgan, xalqning roziligini og'izda shior qilib, amalda rioya etmayotgan, o'z sohasini tortolmayotgan tasodifiy rahbarlarning javobini berib, o'rni qaytarib, shijoatli yoshlarni tayinlaydi. Vatani istiqbolli, mustaqilligini fidoiylik, safarbarlik bilan mustahkamlash hammamiz uchun hayot-mamot masalasi ekanini bot-bot takrorlaydi. Prezidentimizning Samarqandga bu g'ali tashriifi ham ana shunday ishchilik sharoitida kechadi.

Uch ming yillar davomida Buyuk Ipak yo'lining "oltin belbog'i" bo'lgan Samarqandni butun dunyo ahli biladi. "Qani endi, bir marta Samarqandga borsam, bu afsonaviy shahardagi tarixiy obidalarni, ziyoratgohlarni ko'rsam", deb orzumand bo'lib yurganlarning esa son-sanog'i yo'q. Ayni shu ma'noda, bu yerda tadbirkorlik, investisiya, sanoat, turizm sohalaridagi imkoniyatlar cheksiz. Ammo dunyoga dong'i ketgan bu diyorda odatiy holga aylangan chiroq o'chib-yonishi nafaqat aholini, xususan, mehmonlarni ham ranjitiq qo'yayotgani bor gap.

Elektr iste'moli oshayotgani hisobiga bu yil viloyatda elektr taqchilligi 2022 yildagidan ko'proq bo'lishi ham mumkin. Shuning uchun Oqdaryo va Pastdard'omdagi nimstansiyalarni yangilash, yil yakunigacha Kattaqo'rg'on tumani va Samarqand shahrida quvvati 250 megavatt bo'lgan 2 ta quyosh foteoelektr stansiyasini ishga tushirish vazifasi qo'yildi.

Faollar bilan uchrashuvda o'tgan yetti oyda viloyatda 600 mln. dollar to'g'ridan-to'g'ri xorijiy investisiyalarni o'zlashtirilgan haqida so'z bordi. Lekin uning 78 foizi Samarqand shahri, Kattaqo'rg'on, Pastdard'om va Samarqand tumanlari hissasiga to'g'ri kelyapti. Qolgan tumanlarda bu borada natijadorlik ko'rinmayapti.

"Albatta, Samarqandda o'zgarishlar bo'ldi. Bu Prezidentni qoniqtiradimi yoki yo'qmi? Meni qoniqtirmaydi. Samarqandning odamlari bu islohotlarni ularning uylariga, xonadonlariga qachon kirib kelar ekan, deb kutib o'tiribdi. Joylardagi hokimlar "uyg'onish" kerak, aks holda, ularni lavozimidan ketishga majbur qilamiz", dedi davlatimiz rahbari.

Yoshlar munosib haq to'lanadigan ish joylariga qiziqadi

Prezidentimiz hududlarga borganida, eng avvalo, aholining qanchasi muhojirlikda ishlayotgani bilan qiziqadi, ularni munosib ish o'ri yaratish hisobiga o'z uyi, o'lan to'shigiga qaytarish choralarini ko'radi. Iqtidorli yoshlarni xorijdan chaqirib olib, Vatani ravnaqi yo'lida faoliyat ko'rsatishga imkon yaratishni shaxsan o'zi nazorat qiladi.

Prezident aytganiday, har bir hokim hududidagi imkoniyatdan to'g'ri foydalanib, odamlarga ish o'rni yaratmasa, buni chetdan kelib hech kim bajarmaydi. Aholini, ayniqsa, yoshlarni ishlil qilish, ularning tirikchilik ilinjida uzoq o'lkalarga uloqib ketishlariga barham berish uchun munosib haq to'lanadigan ish joylari yaratish lozim.

"Samarqand viloyatida 150 ming ish-siz bor, 220 ming nafari chetda yuribdi. Odamlarni daromadli qilsa bo'ladimi, kim qiladi shuni? 14 ta tuman va 2 ta shahar rahbarlari qiladi. Mening niyatim — ularni tezroq qaytarib olib kelish, sharoit va ish o'rnlari yaratish. O'ylaymanki, ular rozi bo'ladi va mening ham niyatlarim amalga oshadi", dedi davlat rahbari. Ana shu maqsadda mahallalarda tadbirkorlik va dehqonchilikni qo'llab-quvvatlash, uzum va pista yetishtirishni ko'paytirish, serqatnov yo'llar bo'yida xizmat ko'rsatish sohasi rivojlantirish masalalari kun tartibiga qo'yildi.

"Urgut" erkin iqtisodiy zonasi 15 ta tumanidagi hududi va viloyatdagi 106 ta sanoat zonasini infratuzilma bilan ta'minlash uchun shu yilning o'zida 170 mlrd. so'm ajratilgan. Lekin 620 gektar yer maydoni hali ham bo'sh turibdi.

Hozirgi paytda mutasaddi rahbarlar tomonidan ana shu joylarga tadbirkorlar jalb etilyapti.

Bugungi kunda viloyatda turizm sohasida 20 mingta doimiy ish o'rni yaratish va eksportni 500 mln. dollariga yetkazish imkoniyati bor. Ana shuning uchun jozibador dasturlarni ko'paytirish, yo'llarni va jamoat transportini qulay qilish uchun ish olib borilyapti. Viloyatning turizm salohiyati yuqori bo'lgan 100 ta mahalla va qishloqda "turizm ipotekasi" dasturi asosida yangi sayohat manzillari ochish bo'yicha sa'y-harakatlar boshlandi.

— Yoshlarga munosib haq to'lanadigan ish o'rnlari yaratish butun dunyoda dolzarb. Prezidentimiz Samarqandda bo'lganida ham shu masalani kun tartibiga qo'yd. Chunki xorijda yashab, mehnat qilish mashaqqatini boshidan o'tkazgan biladi, — deydi Jomboy tumani qasabasi Nayman mahallasida yashovchi Shahzod Nurillayev. — Ota-onamning nasihatiga quloq solmay pul topish ilinjida bundan 3-4 yil avval xorijga ketdim. Ming bir xo'rlklarni, kamsitishlarni ko'rdim.

Xullas, otamning gapiga kirib uyga qaytdim. Hovlimizdagi bir so'tiq tomorqa maydonida malina yetishtirilardi. Shu ish bilan astoydil shug'ullandim. Hozir ana shu ziroatchilik orqasidan yiliga 100 million so'mdan ziyod daromad olayman. Astoydil yig'ilasang, so'qir ko'zdan ham yosh chiqar, deydi. Ishni ham do'ndirdim, tayyorlik ko'rib, to'lov-shartnoma asosida Samar qand davlat universitetiga o'qishga qabul qilindim. Prezidentimiz yaratgan imkoniyatlardan foydalanib, 2-3 yil ichida ekin maydonini 3 gektarga yetkazdim. O'shlar uchun o'ndan ziyod ishchi o'rnlari yaratdim, ular ham o'z bizneslarini boshlayapti. Hozir o'qish xarajatlarni qoplayapti, mashina va uy ham sotib oldim. Biz yoshlar "pul ko'p ekan" deb, xorijni orzu qilmasdan, shu yerda ishlasak, oldimizga qo'yg'an niyat va maqsadlarimizga erishishimiz mumkinligini amalda ko'rdim. Bundan juda xursandman!

— Musulmonlarning ikkinchi Ka'basini Islom olamining quyoshi bo'lgan Imom al-Buxoriyning tabarruk qabri Samarqandda ekanini dunyo biladi. Buyuk muhaddis bobomiz Imom Abu Abdulloh al-Buxoriyning qabrini ziyorat qilish uchun har yili yurtimizdagi dunyoning turli burchaklaridan ming-minglab ziyoratchilar kelishadi. Shuning uchun davlatimiz rahbari tashabbusi bilan 2019-yilda bu yerda Imom Buxoriy xalqaro ilmiy-tadqiqot markazi hamda Hadis ilmiy maktabi tashkil etilgan edi. Bundan ikki yil muqaddam ushbu ziyoratgohda yangi loyihaga bo'yicha rekonstruksiya ishlari boshlandi. O'tgan vaqt ichida bu yerda qariyb 10 ming namozxonaga mo'ljallangan masjid, to'rtta minor, ayvonlar barpo qilindi.

Davlatimiz rahbari Imom Buxoriy majmuasida davom etayotgan pardozlash ishlarini ko'zdan kechirib, mutasaddirlarga tegishli ko'rsatmalar berdi. Bu islom olamida barcha mehmonlar uchun tabarruk ziyoratgoh sifatida eng obod va ko'rkam qadamlardan biri bo'ldi.

— Hadis ilmining sultoni sifatida dunyoda nom qozongan Imom Buxoriy singari allomalarni musulmon olamining faxri hisoblanadi, — deydi Al-Buxoriy yodgorlik majmuasi raisi Dehqonboy Ermamatov. — Prezidentimiz har gal Samarqandga kelganda qurilishlarni ko'zdan kechirib, kamchiliklarni ko'rsatadi, tuzatishlar kiritadi. Quruvchi va me'morlarimiz sa'y-harakati bilan bunyod qilinayotgan mahobatli yangi majmuaya xalqni bir ilm-ma'rifat shaharchasiga aylandi.

Aytish joizki, Imom al-Buxoriy majmuasi qurilishi mamlakatimizda amalga oshirilayotgan ulkan bunyodkorlik ishlarining eng yirigi hisoblanadi. Bu yerda kelgan mehmonlar yer osti galereyasi orqali Imom Buxoriy qabrini ziyorat qilish imkoniga ega bo'lshadi. Majmuada-

gi olti asriqli qadimiy chinorlar, qaynab chiqayotgan buloq va hovuz avvalgi holicha saqlab qolingan bo'lib, alohida qarovga olingan. Ko'kalimzorlashtiriladigan maydonlar 2 gektardan ziyod bo'ladi. Majmua devorlari milliy naqshlar, pardozbop toshlar bilan sayqallandi. Majmua atrofida ulkan xiyobon, mehmonxonalar, mehmon uylari, ikki yon qismida infratuzilma ob'yektlari qurilmoqda.

Ishonamizki, dunyo islom olamidan bu yerga ziyoratga kelgan mehmonlar majmuaga salobati, betakrorligidan hayratga tushishi, zavqlanishi turgan gap. Umuman, bu yerda ziyoratchilar



uchun ham, ilmiy lozilbar uchun ham barcha sharoit mavjud bo'ladi.

"Ota-onangga, senga tarbiya berganlarga rahmatimni yetkazib qo'y!"

Davlatimiz rahbari hududlarga tashriifi chog'ida olindan belgilangan joylarga emas, aholi turmush tarzi bilan tanishish maqsadida kutilmagan o'ddiy xonadonlarga, ta'lim muassasalariga kiradi, odamlarning kayfiyati bilan qiziqadi. Shuning uchun oqdaryolik faollar bilan uchrashuv doirasida tumandagi 32-umumta'lim maktabida bo'lib, bu yerda tadbirkorlar bilan hamkorlikda o'quvchilarni kasbga o'qitish tajribasi bilan tanishdi.

Ta'lim muassasasida o'quvchilarni 7-sinfidan boshlab mahalla va tumanda talab yuqori bo'lgan veterinar, agronom, meva-sabzavot quritish, ipakchi, melbelchi, avtomobil ustasi kabi 15 ta kasb-hunarga o'rgatish va 2 ta chet tili o'qitish yo'lga qo'yilgan. Bu ishlar mahalliy byudjet va tadbirkorlar hisobidan tashkil qilingan bo'lib, o'quvchilar o'z mehnatlari uchun ish haqi olaypti. Davlatimiz rahbari barcha viloyatlar maktabgacha va maktab ta'limi boshqarmalari rahbarlariga Oqdaryoga borib, bir hafta davomida ushbu tajribani o'rganishni topshirdi.

— Men shu maktabning sobiq o'quvchisiman, — deydi "Nuro'niy" jam'ar-masi Samarqand viloyati bo'limi raisi Shuhrat Ne'matov. — Bu yerda yaratilgan shart-sharoitlarni ko'rib quvonad quvonadi. Farzandlarimiz, nabiralarni tahlil olish bilan birga kasb-hunar o'rganishyapti. O'tgan yili maktabni bitirgan yoshlarning o'ly ta'limga qamrovi 25 foizni tashkil etgan ekan. Bu yil 51 foizga chiqibdi. Maktabda rus, ingliz fransuz tili o'qitildi. Bu esa bitiruvchilarning til bilishiga, mehnat bozorida munosib o'rinni topishiga zamin bo'ladi.

"Joy akademiy" o'quv markazi asoschisi Shodiyyorxon Abdoyoyitov Singapur menejmentni rivojlantirish institutini tugallagan. Oqdaryolik bu yigit bugungi kunda dunyoning kuchli beshaligiga kiruvchi Harvard universiteti talabasi. U kelajakda o'zi tug'ilib o'sgan hudud yoshlarining ilm olishiga sharoit yaratishga ahd qilgan.

— Oqdaryonning Pichoqchi mahallasida tug'ilganman, shu yerda maktabni tamomlagach, nufuzli oliygohlarda o'qish sharafiga muayassar bo'ldim, — deydi Shodiyyorxon Abdoyoyitov. — Prezidentimiz bilan uchrashuvda Har-

vard universitetini bitirib, qishlog'imizga qaytish niyatim borligini aytdim. O'rgan-ganlarim, bor salohiyatimni yurtimiz ravnaqi uchun safarbar qilishga so'z berdim.

— O'g'lim Prezident bilan uchrash-ganida u ota-onangga, senga tarbiya berganlarga rahmatimni, salomimni yetkazib qo'y, debdi. Bu so'zlardan boshim osmonga yetdi, nihoyatda faxrlandim, — deydi Shodiyyorxonning otasi Tolibxon Abdjalilov.

Shu o'rinda aytish kerakki, Preziden-timiz tomonidan yoshlar ta'lim-tarbiyasi-ga qaralayotgan e'tibor, IT texnologiyalarining joriy etilishi katta samara

— Men 9 yil davomida Xitoy Xalq Respublikasining turli ilmiy tekshirish institutlarida faoliyat olib bordim, — deydi universitet professori Xurshid Ozkolov. — Ilmiy tadqiqot yo'nalishim onkologiya, kimyoterapiya sohasida dori vositalarini sintez qilishdan iborat. Bu ishlarni hamkorlikda olib borish uchun AQSH, Yaponiya, Germaniya va Xitoy davlatlaridan yetuk professor, olimlarni taklif etdim. Prezidentimiz bizning g'oyalarimizni qo'llab-quvvatlab, uni moliyalashtirish manbalari ham belgilab berdi. Buning natijasida kelajakda onkologiya yo'nalishida dori vositalarini sintez qilib, sanoatga yetkazib beradigan, jahon farmbozorida katta ehtiyojga ega bo'lgan preparatlarning O'zbekiston brendini yaratish imkoniyati paydo bo'ldi.

Bugungi kunda Biokimyo institutida 8 ta'lim yo'nalishida 2800 nafar talaba tahsil olmoqda. Umuman, universitetda 12 ta ilmiy va 67 ta o'quv laboratoriya bor. 2025 yilgacha ilmiy salohiyat 100 foizga yetkaziladi, — deydi Samarqand davlat universiteti rektori Rustam Xo'lmurodov. — Institutda O'zbekiston iqtisodiyotiga jolib ta'sir bera oladigan, ishlab chiqarish darajasiga olib chiqadigan tadqiqotlar o'tkaziladi va amaliyotga tatbiq etiladi. Buning uchun imkon ham, rag'bat ham, sharoit ham bor. Biz endi turli ishlab chiqarish korxonalarini, zavod-fabrikalar bilan eksport qilish mumkin bo'lgan darajadagi yuqori intellektual qiymatga ega mahsulotlar bera olamiz. Buning uchun ilmiy salohiyatimiz ham yetarli.

Yangi tashabbuslar quloch yoymoqda

— Yangi O'zbekistonning taraqqiyot strategiyasi barcha yo'nalishda aholi farovonligini, inson qadri quloch yo'lga qo'yishi mu'assam, — deydi Samarqand tumani hokimi Sirojiddin Usmonov. — Birorta soha yo'qki, Prezidentimiz e'tiboridan chetda qolgan bo'lma! Biz ana shunga qarab, o'z islahimimizni tashkil etishimiz kerak. Shu mezon asosida ish tutilsa, o'z-o'zidan muammolarning yechimi topiladi. Prezidentimizning Samarqandga tashriifi chog'ida bergan ko'rsatmalari, topshiriqlari kundalik hayotimiz, faoliyatimiz mazmuni bo'lishi kerak, deb o'ylayman.

Esimda, Prezidentimiz viloyatimizda rahbar bo'lib ishlayotgan paytida Samarqand tumanining Xishrav qo'rg'oniga tutash tashlandiq hududdagi ulkan chiqindixonani yo'qotish uchun juda katta mehnat qilindi. Chiqindixonaning barcha qo'lansa hidi nainki shaharga, undan tashqariga ham yetib bordi. Yeti

Bir paytlar sohibqiron Amir Temur tomonidan saltanat mehvari sifatida e'zozlangan bu zamin davlatimiz rahbarining sa'y-harakati bilan bugun yana oliy martabali rahbarlar mashvratlar o'tkazadigan, mintaqadagi xavfsizlik va iqtisodiy hamkorlik masalalarini muhokama etadigan dunyo chorrahasiga aylandi. Samarqand bu yerda oliy darajadagi mehmonlarni qabul qilish bilan birga, bugungi davrga hamnafas bo'lib, ertangi kunga, kelajakka ishonch bilan qadam tashlamqda.

Nurulloh OSTONOV, Abdulaziz YO'LDOSHEV ("Xalq so'zi")

